



枕雙紙

全





枕雙紙

橫河沙門源信記



竊以一期縱橫不出一念三千世間即空假
 中縱者五時橫者四教一念三千者自受用
 也此三箇條為宗要柱仍畫置座右夜置枕
 上學之觀之為出離鏡抑宗要四明松栢惡
 世幽谷霜雪不萎八十等榮天台龜鶴千秋
 萬歲延法壽應知四教五時為父母生一念

三千子，是故先學四教四門，等次學五時，等後學自受用，筭可開明。一念三千，心地是名頓證菩提，成等正覺而已。

第一明四教四門，筭者四門，得入藥薰開當分谷十六門，開悟菓結跨節，不思議峯云云。

第二明五時，筭者兼單對帶，流同一鹹味歸真如大海，互通淺深一實波森渚，無隔云云。

第三明自受用，筭者以一念三千一心三觀。

為自受法樂，是故山家大師曰：唯有一人修，顯得體周遍法界，居常寂光。三千世間依正宛然，自受法樂。一念三千是自受用，尊形云云。寂光無外，自心是寂光，官自受用，非遠白雲。青山是自受用，尊形也。妙樂大師曰：唯圓卽觀。一念三千三諦具足，乃至故於自心常寂光中，遍見十方一切身土矣。又曰：當知身土一念三千，故成道時稱此本理。一身一念遍。

於法界矣成道者一念心卽成三千世間也
成三千世間者成萬法三諦也稱此本理者
盡無明住地惑歸本覺真如理時只是顯本
有三千也始非得果位萬德爰知我等一念
心性無始已來備三身萬德也只心是一切
法者隨緣真如一切法是心者不變真如不
變隨緣一念宛然問前佛後佛自受用爲一
爲異耶答山家大師曰常平等故不出法界

常差別故不妨取捨凡無差別平等不順佛
法惡平等故亦無平等差別不順佛法惡差
別故矣

倩案出離最要路不如一念三千觀門甚淺
之中甚深也苦海浮木長夜大燈所以十方
三世諸佛出世本懷尋早爲令衆生開一念
三千知見釋迦如來出世四十餘年之間深
隱秘密奧藏已證法門我等濁世末代受生

於邊地聞之我等卽自受用如來開悟於一
念計生生世世喜何事如之我等受雇弱身
心狹一衆生思自身故漸促成螻蟻乃至成
蟪蛄也一切情非共廣觀一念三千周遍法
界不受生死小身施化用於法界也一念法
界悟開念念法界具三千理法界皆實相無
非佛物向虛空虛空卽佛向大地大地卽佛
解帶乍卧心中觀一念法界非極安樂耶源

信四十餘年之間時時雖奉讀誦法華經有
指利益不覺生年六十有餘唱彌陀寶號時
依法華經廣大恩德知我卽真如也仍一世
作行當無量生其前不知我卽法界時只五
尺骸思我故所作行狹其去佛遙遠悔哉無
始已來不知我卿法界不解一念卽三千終
捨於山野非我身五尺骸計我身爲之起種
種妄想顛倒造種種生死業因或時成螻蟻

蚊虻或時成夜又羅刹凡六道質何者非昔
我身耶不知一念實相無分別中起種種分
別生死長夜中見無量夢或懸刀山劍樹或
怖牛頭馬頭然則或從知識或從經卷聞上
所說一實菩提我祖師天台大師立六即佛
我等今纔聞三諦名字知我即真如六即中
攝之者當名字即始若以此解在心不忘假
使空手杜口徒行住坐卧朝起暮眠空雖送

年月歲數一乘觀慧念念增進自然流入薩
波若海矣問初心行者如何觀一念三千位
自受用心地耶答如實知自心虛空相是菩
提無知解者示無開曉者諸法無相謂如虛
空相達一念無相無相相鏡懸性空無形形
星列心地此時一念三千天真獨朗問若菩
提如虛空何故求之求虛空有何益耶答無
相之中三千宛然有無量無邊秘密甚深之

事實非世間虛空冀諸學者得意忘筌耳若
一念法界悟開蟪蛄巢上螻蟻塚下皆是毗
盧遮那遊戲栖也然則沈沈海底高高驪山
皆是本覺寂光宮龍女最上利根故文殊入
龍宮說諸法實相言下悟一念法界遍照於
十方此則一念坐道場成佛不虛也以已懈
怠勿疑教以一例諸龍女是問一念三千一
心三觀自受用心地其智慧門難解難入如

予頑愚者敢入乎是故丁寧示之答一宗大
事唯在此法是以山家大師延曆末年忽辭
帝澤解藤纜浮滄溟上布帆洪濤山如積疾
浪星如奔晝望陽烏夜瞻北斗以日計月終
入唐朝詣于台岳是則所以諸佛感願力天
地通冥府也若又非宿昔有緣安得今日相
見仰願和尚以慈悲示如來心印授智者內
證開妙法真路作三界善友轉唯一法輪爲

六道知識道邃和尚授曰雖泊法王鶴林滅
而法網散神通隱而宗途異不若只是得一
心三觀而取證如反掌而一言一心三觀者
本體不生能離因果常住不滅遍一切處當
知天真獨朗之一言本來所具三諦也誠論
一心三觀只在斯一言而已於是古德相傳
曰知者大師隋開皇十七年仲冬二十四日
早旦告諸弟子曰吾滅度後二百餘歲生東

國興隆佛法若有感應先呈瑞靈卽一法鑰
投空鑰忽而入雲舉衆雖慕瞻終不知所屆
而今聖語有徵遇最澄三藏不是如來使豈
有堪艱辛乎然則開宗示奧以法傳心化隔
滄海相見杳然共持佛惠同會龍華太唐貞
元二十一年歲次乙酉三月朔癸丑十五日
丁卯天台沙門道邃告付日本國最澄三藏
已上山家 口決曰一言一心三觀者師資相
血脈譜

承一旨也所謂天真獨朗一言也抑天真獨朗者本體不生本體不生者本不生本不生者尋一心一念不自生不他生不共生不無因生宛如大虛故本體不生本體不生故無相無相故虛空虛空故法界法界故三千三千故三諦道理法爾法然如斯悟已能離因果離因果者生死頓絕苦因苦果猶如昨夢若離因果卽身成佛卽身成佛者出過三世

無始無終湛然常住出纏聖人大仙尊位是故可云常住不滅行者若悟一念三千遍一切處所以者何一念實相法界量同理體杳然始終無二故法界海本居一念白雲青山是何者只是一心影像也去春霞秋霧是皆一念色地獄天宮是自受法樂宮本覺寂光裏牛頭馬頭焰魔法王是自受用尊形餓鬼畜生修羅宮是自心寂光海會諸尊都三千

無改無明卽明三千果成咸稱常樂始知衆
生本來成佛生死涅槃猶如昨夢始知本覺
名始覺本地無作三身名本覺三界是本覺
宮我等是本覺如來無作三身也三界本無
生死無生死中起生死見狀三界名二乘諸
佛菩薩所彈央崛淨名所哥是如來知見三
界無生死無間大城本寂光宮獄率阿防羅
刹本自受用尊形故壽量品云如來如實知

見三界之相無有生死云云悲哉我等起徧計
所執於本覺寂光宮作三界牢獄之恩於海
會諸尊作衆生思早欲出生死如實知自心
入如來知見居遊本覺宮立可開自受用眼
也如來本懷大師弘經旨歸山家入唐傳法
一言口決奧旨宗要秘藏唯在茲慕知甘露
門者以之晝座置右夜置枕上思之觀之

于時長保三年三月下旬

橫河首楞嚴院源信竊記

是書舊有三本共羅災今茲夏安居請講於
同州辦公仍以正本重刻
天保七年丙申四月

三州

發起中

